

Toxic Shock Syndrome (Kab Mob Nqaij Hle Tawv) (TSS)

(Toxic Shock Syndrome (TSS))



Toxic Shock Syndrome (Kab Mob Nqaij Hle Tawv) (TSS) muaj tsawg tab sis kuj ua rau kis taus mob loj. Qee hom kab mob npev taws lias sib kis cuam tshuam kuab taug mus rau hauv cov ntshav, qhov uas dhau ntawd yuav ua rau kis kuab taug mus rau hauv cov nqaij nruab nrog cev. Koj yuav muaj feem kis tau TSS yog tias koj pheej siv cov ntaub los sis pas rwb ntsaws poj niam chaw mos nqus qhov hnoo, tsis ntev los no yug me nyuam tshiab, phais mob, muaj mob rau tawv nqaij, los sis ho me nyuam. TSS tuaj yeem cia li huam tuaj tsim ua rau mob loj txog qhov tag txoj sia taus.

Dab tsi tsim ua rau muaj mob TSS?



- ▶ TSS yog tshwm sim los ntawm npev taws lias: *Staphylococcus aureus* (feem ntau lawm hu ua staph (mob rwj)), *Streptococcus pyogenes* (feem ntau lawm hu ua mob strep los sis pawg A streptococci), los sis *Clostridium sordellii*. Cov xwm txheej feem ntau lawm yeej yog los ntawm kab mob rwj. Cov kab mob no pheej pom muaj nyob rau tus neeg uas lub cev tsis tau kis mob.
- ▶ Kuj pom muaj tsawg xwb, uas tus kab mob npev taws lias thiab lawv cov tsim ua rau muaj kuab taug tsim ua rau TSS nkaq tau mus rau hauv cov ntshav los ntawm:
 - ▶ Ua rau tawv nqaij raug mob, xws li to thiab kos hle tawv, kev phais lub qhov nqaij mob, thiab mob sawv pob ua qoob.
 - ▶ Poj niam chaw mos los sis tsev me nyuam, ncuaj sij hawm yug me nyuam, ho me nyuam, los sis siv cov ntaub los sis pas nqus poj niam chaw mos kom qhuav, cov raj nqus los sis cov raj nqus dej hauv lub cev tawm.
 - ▶ Lwm yam kev kis mob, xws li mob hlab ua pa, txhaws ntswg los sis mob qhov ntswg (kis mob rau hauv tus pob txha).

Cov yam ntxwv mob thiab cov tsos mob yog dab tsi?



- ▶ TSS pib tam sim, feem ntau lawm muaj nrog:
 - ▶ Ua npaws kub heev.
 - ▶ Ntshav ntoj tsis muaj zog (ua rau dias taub hau los sis tsaus muag).
 - ▶ Raws plab los sis ntuav.
 - ▶ Mob taub hau.
 - ▶ Sawv mob li pob sov nyob rau tej feem twg ntawm lub cev, suav nrog rau ob sab tes thiab ob sab taw.
 - ▶ Mob leeg.
- ▶ Yog tias tsis kho TSS, nws yuav tsim ua rau tej nqaij hauv nruab nrog cev tuag, qaug dab peg, tes taw tu thiab tuag.

Ntsuam xyuas thiab kho nws li cas?



- ▶ Cov kws kho mob yuav pib nruab lub raj tso dej rau hauv lub cev (IV) thiab cov tshuaj tiv thaiv kab mob kom sai li sai tau, nce raws ntawm koj cov tsos mob. Lawv yuav pab tu lub qhov nqaij mob thiab tshem cov cuab yeej nqus qhov hnoos los sis cuab yeej ua kom txhob yug me nyuam. Cov neeg uas muaj mob TSS feem ntau lawm yuav tau nyob hauv tsev kho mob ntau hnuv.
- ▶ Cov kws kho mob siv tus qauv los ntawm qhov chaw kis mob mus ntsuam xyuas cov kab mob npev taws lias uas tsim ua rau mob TSS. Lawv los kuj yuav ua thiab sim ntshav kom paub tseeb txog qhov mob.

Yuav pov thaiv TSS tau li cas?



- ▶ Ntxuav koj ob sab tes kom huv thiab pov thaiv cov kab mob npev taws lias uas tsim ua rau mob TSS los ntawm kev sib kis.
- ▶ Tu thiab muab ntaub qhwv cov tawv nqaij uas mob kom sai li sai tau. Hu koj tus kws kho mob yog tias qhov nqaij mob pheej liab, o, los sis nruj tuaj, los sis yog tias pib ua npaws.
- ▶ Yog tias siv cov pas rwb ntsaws poj niam chaw mos,
 - ▶ Hloov cov pas rwb ntsaws poj niam chaw mos txhua 4–6 teev.
 - ▶ Siv cov pas rwb nqus qhov hnoo uas luv tshaj plaws li koj tuaj yeem ua tau.
 - ▶ Ua xav siv daim ntaub tiag yav hmo ntuj los hloov tam los sis rau hnuv uas muaj kua dej tawm los tsawg. Txhua tus uas mob TSS tsis tsim nyog siv cov pas rwb ntsaws poj niam chaw mos.

